



[www.BibleForChildren.org](http://www.BibleForChildren.org)



Yoni 14



Yisasi'a mage huno hu-mainie "Muki'a vea'mogatama  
tamaipamo'a kana'age huno tamakesa ku'mo'a ohino.  
Anumaya Kotife havitama tamakupi maletama  
tamametiti haya kava nehutama nagaifena havitama  
tamakupi maletama tametiti hiho."



"Nenafa nopina veala maisaya nona kasago'ya hane.  
Ani yama omalesina nagaya mani kea ohule'asine.  
Nagaya kumatamia moli'na talo tala hu-lama-tegahe  
ugahue. Nagaya kumatamia mo lalo tala hu-malete'na  
ete'na me lamavalesugetama visua kumatela visageta  
nagai'ene mo lokaeta  
maigahune."



Nagaya Yoni'nae neputamimo'na tamakai'enena  
Yisasi'ene ailokaeta mainona yafe tusi'a kana  
ya'ene tagata aiya ya'ene falote hianagi



Anumaya Koti'a kava  
yagailategeta  
mailava huta  
tokiya'age huta  
mainone.




Nagaya Anumaya Koti kene Yisasi'a tagai'ma  
hulatenea mono kene huhale'na hua yateti  
navale'ya Patimosia ti amu'nopi hanea




kumate kina  
hunatage'na mainoe.




Higeno aupa'a Anumaya Koti Avamu'mo'a tusiya huno  
natafa hige'na agoana ikapinaga nago sia agogeno ani  
siale nago kanoa maine.



Hage'na havugeno muki'ama Anumaya Koti'a  
talo humalenea yamo'a ikapinaga mainaya  
ya'ene mopafima mainaya ya'ene  
mopamo agusafinagama mainaya  
ya'ene tipima mainaya ya'enena  
muki'amo'ya mage hu'ya hae "Sauve  
kanomo siale mainana Anumaya  
Kotigaene Sipi  
sipi nafa'nene  
agola muki'a  
kanafina muse  
hisa'a yamo'a  
hanege hanege  
huno  
hanesie."




“Tokiya'age hale yama'aene tanakia haneanagita  
alisaga hisunageno anale hanesigetana kava hisa'a  
tokiyatanimo'a hanege hanege  
huno hanesie.” hu'ya hae.







Nagaya alu aotage kumala, haegafa Yelusalemu,  
Anumaya Koti'a ikapinagati ataleno elavige'na agoe.  
Agogeno a'mo'a vema aligahe kanale kenama fai-lineno  
kanale konagali ali-maleno vele'ma ne'via augafa kava  
huno elavige'na age-mainoe.




Nagaya havugeno ala sauve kanomo sialeti nago ala kegefafiti mage huno hie "Menia Anumaya Koti'a vea'nene tokaeno maigahie. Ani vea'mogami amu'nopi mainesige'ya muki'a veala agai'a vea'ne maisageno Anumaya Koti'ami maigahie."



Anile ani ensole kanomo'a nagola ala tikefa, hamaimu ne'amamia tina naveli-maine. Ani limona telelalayama'a omalegeno galasifima age-hagalo nehia kava nehigeno ani limo'a Anumaya Koti'ene Sipi sipi nafa'nemogani maina'a sialeti ani limo'a elavi-maine.



Agogeno ani ala kumatela yagemo'ene ikamo'ene  
aivasa hisia ali'ya'ania omalegi Anumaya Kotina  
tokiya'age hale yama'amo ani kumatela tusiya huno  
aivasa hu-maigeno Sipi sipi nafa'nemo'a ani kumate  
ka'nila maine.



Egahayanagi kefo yama'age'ma nehaya vea'nene,  
amaku'amo oni'ya'age hu-mainea vea'nene, havige'age  
vea'nenena ani kumatela  
ometafa hu'ya omegahae.

Omegahagi Sipi sipi  
nafa'nemo avopima,  
maige maige hisaya  
hamaimu'ma hanea  
avopima amakima  
kae-malenesia  
anaga'mo'ya  
amakai'amige ani  
kumatela ehaigahae.




"Maineno amaunua aye ha'mi-talesige'ya nago'ene  
veala ofaligahae. Amaipamo'a kana ohinage'ya avia  
o'ategahayanagino amakata aisaya  
yamo'enena ha'no hugahie.  
Nayoma nemaiya augafa au'ava  
yamo'a ani kanafina ha'no  
hugahie." huno hu-maine.



Nago'a Anumaya Koti'a hinageno ali haviya humatesia  
yana omalegahigi Anumaya Koti'ene Sipi sipi nafa'nene  
nemai'a sialatana ani kumatela hanesige'ya Anumaya  
Koti ali'ya vea'mo'ya agia alisaga nehu'ya maigahae.

Maine'ya Anumaya Koti  
aufina ne'agesageno  
agai'a agia  
hamanilela  
kaemategahie.




Nagaya fali-mainaya vea'ma agoana amaki hanea  
vea'nene, amakima omale vea'nene, ala Sauve kanomo  
aule heti-mainageno ensole vaya'mo'ya avo'yaga ali  
vakaye-mainae. Nago avona, maige maige hisaya  
hamaimu'ma hanea vea'mogami amakima  
hanea avo'ene vakaye'ya ani avopina  
ago'ma humainaya au'ava kava'amimo  
kema kae-malenaya keleti  
fali-mainaya veala  
Sauve kanomo siale  
maiya kanomo'a  
kaiyeke'amia fako  
humatene.







Kaiyekea humateteno muki'a vea'mogami amakimo'a  
maige maige hisaya hamaimu'ma hanea vea'mogami  
amaki hanea avopima amakima okaenesaya veala  
Anumaya Koti'a atama tegelege nehia komufi  
amavaleno haga'yu huma-talegahie. Fali  
ya'ene fali vea'mo'ya unemaiya ko'ene  
ata tegelege nehia komufi anasaga  
huno vai-talesige'ana ha'no  
hutafa huga'e. Ani  
atama nelea  
komufima visayana  
tole (2) yupa ete'ya  
faligahae.



Higeno Alu Aotage Avamu'amo'ene Yisasina amaku'a  
amitafa humainaya vea'nene Yisasife mage hae  
"Kagaya eno." hu'ya hage'ya mani kema havisaya veala  
Yisasife mage hu'ya hisae "Kagaya eno." hu'ya hisae.



Hisage'ya tifema amakesia vea'mo'ya etama  
Anumaya Koti'ma afa'a tamamisia timo'a maige  
maige hisaya tamahaimu tamamisia tinagi  
tamahaisigetama me neho.



Anumaya Koti'a aiya nagoke  
nafa'ne'a maineanagi ma mopafi  
vea'nehe tusiya huno hau  
ayamopafi haigeno ani aiya  
nagoke nafa'ne'a hu-tegeno  
elavino emaine.



Emainegeta tagaya nagoke  
nagoke'mogata agaife tagupi maleta  
tametiti hisunana haniki-mai  
yapi tegelege nehia atafina  
o'ugahunanagita agola maige  
maige hisuna tahaimula  
aliteta  
maigahune.



### Lomu 3:23

Muki 'a vea 'mogata kefo kava 'age 'ya nehunanagita  
Anumaya Kotina haisia kava hisuna tokiyatia kosa  
he-otateneanagita ikapinaga ohaigahune.

### Lomu 6:23

Kefo yamo ali 'ya vea 'mo 'ya anona 'amima alisaya yana  
fali yane. Faligahagi Anumaya Koti 'a nagola muse yana  
afa 'a nelamie. Anumayatimo 'a Yisasi Kalaisi 'ene  
ailokaeta mainonafe agola maige maige hisuna tahaimula  
ago tamine.

### Hipalu 9:27

Ania huno Anumaya Kotia Mukia veanea nagoke yupa  
kanoa falitesagena kaiyekea humategahue.  
huno humaine.



## Efesusi 2:8,9

Anumaya Kotia kayone hulamatenea yateti tamakaya  
Yisasife havitama tamakupi maletama tamametiti hageno  
Anumaya Kotia tamaku tamamena aligati-maine.  
Tamakaitami kanale kava haya yateti aliokatinegi  
Anumaya Kotia agaia afaa lamamine. Tamakaya kanale  
aliyama ali-mainaya anonaa tamaku tamamena  
aligati-mainea yana omaletafa huno omalegi havigu nago  
kanomoa Nagainige alimainoa aliyatetile. huno huyafenagi  
Anumaya Kotia agaia tamaku tamamena aligati-mainea  
yana afaa lamamine.



Lomu 10:9,10

Tamakaya tamavayafiti "Yisasi 'a Anumayani 'a maine."  
hutama huhaneletama tamaku 'a fitila "Anumaya Koti 'a  
Yisasina fali-mainefiti ali hetitene." hutama tamakupi  
maletama tamametiti hisageno Anumaya Koti 'a tamaku  
tamamena aligatigahie. Tagu 'a fina Yisasi 'a hulatenea  
yafena havita tagupi maleta tametiti humainona yateti  
Anumaya Koti 'a "Fatago vea 'ne mainae." huno hunelate.  
Tavayafiti "Yisasi 'a hulatenea yafe havi 'na nagupi  
malenoe." huta hufalote nehuna yateti Anumaya  
Koti 'a tagu tamena alinegatie.





Yoni 3:16,17

Anumaya Koti 'a aiya nagoke nafa 'ne 'a maineanagi ma mopafi vea 'nehe tusiya huno hau ayamopafi haigeno ani aiya nagoke nafa 'ne 'a hu-tegeno elavino emaine. Emainegeta tagaya nagoke nagoke 'mogata agaife tagupi maleta tametiti hisunana haniki-mai yapi tegelege nehia atafina o 'ugahunanagita agola maige maige hisuna tahaimula aliteta maigahune. Anumaya Koti 'a nafa 'ne 'a mona mopale vea 'ne kaiyeke hu-mateno nofi hu-matesia yatela hu-tegeno omenegi mopafi vea 'ne amaku amamema 'a ali-gatisiafene huno hu-tegeno emaine.



## 1 Yoni 5:11-13

Anumaya Kotia mage huno humaine Agola maige maige  
hisaya tamahaimula ago tamaminoe. hunoma hiana agola  
maige maige hisuna tahaimumona aepaa agaia nafane  
maine. Nagoa veamoya Anumaya Kotina nafanehema  
Nagupi emaiyo. huyama hisayana agolama maige maige  
hisaya hamaimula ago ali-mainagi Anumaya Kotina  
nafaneamofema Nagupi emaiyo. huyama nohaya  
veamogamina Yisasia amakupina omainegeya agolama  
maige maige hisaya hamaimula oalinae. Agola maige maige  
hisuna tahaimula ago ali-mainone hutama havilama hisaya  
yafe tamakaya Anumaya Koti nafanehe havitama  
tamakupi maletama tamametitima haya veamogatami  
mani avona kaena tamahanepauve.



Yoni 14; 2 Kolini 5; Leveleseni 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Kanite Bible (kmu) © 2002, Wycliffe Bible Translators,  
Inc. All rights reserved.

<https://live.bible.is/bible/KMUTBL/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

